



KENYATAAN MEDIA
YAB TIMBALAN PERDANA MENTERI
DATO' SERI DR. AHMAD ZAHID HAMIDI
PERUTUSAN TAHUN BARU

Salam Sejahtera dan Salam 1Malaysia

Bersyukur kita ke hadrat Allah SWT kerana dengan limpah dan rahmatNya, kita kini berada di dalam negara yang sejahtera, aman damai dan berjaya menempuhi tahun masehi 2015 yang akan berakhir tidak lama lagi.

Dalam menjalani kehidupan sebagai warganegara Malaysia yang bertuah ini, kita perlulah mengamalkan kesepaduan dan kesepakatan antara kita. Dengan menjadi warga Malaysia yang berbilang bangsa, perpaduan antara rakyat, tanpa mengira keturunan dan kaum amat penting dalam memastikan negara ini kekal harmoni, sejahtera dan berkembang maju.

Justeru itu, sebagai sebuah kerajaan yang dipilih rakyat di bawah kepimpinan Perdana Menteri kita, Yang Amat Berhormat Datuk Seri Mohd. Najib Tun Abdul Razak, sentiasa komited dalam memastikan kesaksamaan akan terus terpelihara bagi memastikan rakyat Malaysia dapat hidup dengan aman makmur dan tenteram. Adalah menjadi iltizam kerajaan yang dipimpin Barisan Nasional, untuk mengambil kira pandangan semua pihak dalam mentadbir negara yang bertuah ini. Disamping kita meraikan perbezaan pendapat, saya menyeru kepada supaya perbezaan pendapat ini diraikan dalam keadaan yang harmonis, tanpa menyinggung mana-mana kaum atau keturunan di negara ini.

Dunia kini sudah berada di dalam zaman "maklumat di hujung jari", dengan ledakkan informasi yang mudah kita perolehi. Bagaimanapun, tidak semua maklumat yang terhidang itu, adalah jujur dan tepat. Ledakan maklumat ini, boleh digunakan oleh pihak-pihak yang tidak bertanggungjawab untuk memusnahkan negara, dan institusi kenegaraan kita. Kita kini, berhadapan dengan "pengganas persepsi" yang menggunakan kemahiran mereka dalam berkomunikasi untuk mengubah persepsi rakyat negara ini serta 'mengkecaikan' perpaduan kaum yang diusahakan oleh kita selama lebih setengah dekad kita mencapai kemerdekaan.

Akhir kata, saya ingin mengucapkan selamat tahun baru 2016 kepada semua warga Malaysia, di mana jua anda berada, semoga tahun hadapan akan membawa sinar kejayaan kepada kita semua, Inshaa Allah. Marilah kita sama-sama berdoa agar Malaysia akan terus maju dan makmur di tahun depan.